



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Theses Theologicae De Peccatis Ignorantiae Et  
Potissimum Ignorantiae Juris Naturae**

**Huygens, Gommarus**

**Lovanii, [1683?]**

V. Ignorantia aliquando excusat à Peccato.

**urn:nbn:de:hbz:466:1-40433**

sequentia suum errorem vel haeretum, quod non dentur peccata ignorantiae, tam Celestius quam Abaelardus deduxerint ex suis falsis principiis quibus assertebant, Celestius quidem ignorantiam & oblivionem non secundum voluntatem, sed secundum necessitatem evenire; Abaelardus vero concupiscentiam & ignorantiam esse naturam. Aliud plane fictitium Ulicum Jonson impulisse videtur ut diceret ad peccandum formaliter requiri notitiam malitiae, quod nimis sine ista notitia non esset futura libertas, quam, ni fallor, ipse primus vocavit libertatem peccati, distinguendo contraria libertatem facti. Etsi forte horum nominum, non fuit tamen ipse hujus sententiae quae ad peccandum formaliter requirit notitiam malitiae, primus inventor, ut nec ipse primus eam deduxit ex Recentiorum libertatis definitione ac interpretatione. Ut actio sit voluntaria (dixerat antea ipsum alius) oportet ut proficiatur ab eo qui videat, qui norit, qui introspiciat quid in ea sit boni vel mali. Si ut voluntaria, multo magis ut libera. Et praeter hunc alias iisdem principiis imbutus: Qui nullam de Deo vel peccatis cogitationem habet, & nullo modo apprehendit amoris vel contritionis actus sibi ex precepto exercendos, nullam hic habet gratiam actualem. Sed istud non minus verum est, horum actuum omissione nullum ab ipso peccatum admitti: nec si damnetur, propter ea damnari posse..... Quod idem de culpabili commissione dici potest. Nimis ad libertatem requirunt ut homo politis ad agendum prærequisitis possit agere & non agere in sensu composito, id est, ut cum prærequisitis ad agendum bene, adeoque cum gratia actuali plene sufficienti, possit componere ipsum non agere. Ita recentiorum definitio illa libertatis Scriptoribus illis persualit, ut quis peccet formaliter requiri ut introspiciat quid in re agendum mali sit, requiri gratiam actualem, &c, ut Ulicus Jonson, requiri notitiam malitiae. Non difficile foret, si opus esset, ostendere quod iisdem principiis consentaneum sit, non peccari formaliter per ea quæ procedunt ex concupiscentia, sive carnis sit, sive oculorum, sive superbiae vitae; modo voluntas in criminibus inveterata sua obstinatione ac induratione pravas suas inclinationes satis auxerit, ut gratiam omnem actualem repudiaverit: quod in pessimis hominibus fieri dubitare non potes, nisi forte fingere tibi lubeat quod Deus ejusmodi hominibus gratiam suam dare teneatur ut liberè peccent, item quod Deus teneatur gratiam suam illis augere secundum proportionem malitiae & perduellionis adversus gratiam: nisi enim haec fiant, pessimis illi vel gratiam non habebunt, vel non habebunt plene sufficientem adversus tantum malitiae excessum.

N.

*Ignorantia aliquando excusat à Peccato.*

**E**T si afferamus fidem certum esse quod dentur peccata ignorantiae, non idcirco afferimus quod ignorantia nunquam excusat ea quæ seposita ignorantia forent peccata. Nam Miles in bello justo occidens commilitonem, quem errore prorsus involuntario hostem esse existimabat, potest in eiusmodi occidente ab omni culpa propter errorem esse immunis. Potest similiter excusari Venator dum hominem occidit quem errore iterum prorsus involuntario feram esse non dubitabat. Idem censendum de Fideli quopiam qui sciens esse prohibitum hodie carnes comedere, cibos qui revera carnes sunt errore involuntario comedit ignorans esse carnes. Si istum in modum circumspectum quodpiam possit ignorantia esse involuntaria, & ideo actionem à culpâ excusare, pari ratione etiam poterit esse involuntaria circumspectum humanam, & quod contraria illam sit similiter à culpâ eximere. Nam si res bene perpendatur, facti quodammodo est an lata sit lex humana, ex. g. vetans hodie carnes comedere: præterea nihil plus indecentiae continet comedere carnium cum ignorantia prohibitionis, quam comedere ciborum cum scientia prohibitionis comedendi carnes

nes , dum ignoratur quod ejusmodi cibi revera sunt carnes. Ex his consecutaneum est quod juris divini positivi ignorantia possit in quibusdam excusare à culpā. Contingit enim etiam ipsum jus positivum Divinum quibusdam in rebus omnino involuntariè ignorari ; & hinc iterum aliqua quae in se indecentiam nullam habent , committi , adeoque in quibusdam eum in modum excusari qua contrā illud fiunt. Non opus est dictu , quia nimis evidens est , male hinc inferri quod quelibet facti , juris humani aut positivi divini ignorantia excusat à peccato. Nam quod facta attinet , non raro contingit , pricipiū dum majoris momenti sunt ; ignorantiam circā illa esse saltem interpretativē voluntariam : sēpius hoc evenit circā jura humana ; sēpissimē verò circā jus Divinum , eti positivum , maximē in iis quae in hoc jure sunt primaria. Nam quo res magis est conspicua ex se , quod sēpius in istis Provinciis inculcari solita , quod majoris momenti negotium spectat , eō gravior est sciendi obligatio & minus potest involuntariè ignorari. Hinc in rebus ad animae salutem tendentibus frequentissimē corā Deo non excusatur ignorantia , vel quod ex hac committitur , aut omittiur ab illis hominibus qui salutis suæ sunt incurii , vel non ut oportet solliciti. Perperā quoque existimant animarum Directores idcirco nullum in istis esse periculum , quia non mediū , sed solum præcepti necessitate hæc sciri aut fieri debere putant. Nam præterquam quod in hisce rebus nulla nostra opinio necessitatem mediū in solum præcepti necessitatem commutare possit , sufficit ad justificationis aut justitiae exclusionem quod ejusmodi incurii aut negligentes homines graviter peccent , culpabiliter ignorando quae etiam solum præcepto sunt scitu aut factu necessaria. S. Scripturis , Ecclesiæ orationibus , piorum consuetudini , quin & ipsi rationi naturali , dictanti omnia nostra etiam interna ac naturalia subjacere providentia ac directioni divinæ , conforme est , quod Dominum Deum oporteat sine intermissione orare , generaliter ut rerum nobis necessiarum & per nos agendarum dignetur dare notitiam & circumstantiis opportunam advertentiam. Similiter Scripturis , Ecclesiæ orationibus , rationi naturali , & consuetudini piorum , qui etiam in veteri Testamento toties leguntur in particularibus casibus Dominum consuluisse (quod notatur male omissum in foedere cum Gabaonitis) cœlēstaneum est , quod Deus orandus sit specialiter circā quædam occurrentia dubia in jure positivo aut factis , pricipiū si error secum foret tracturus damnum aliquod notabile , & maximē si damnum istud futurum esset irreparabile. Ex his sequitur etiam defectu orationis & similiū mediorum posse esse interpretativē voluntarium errorem aut ignorantiam circā quædam juris positivi , imo & facti.

V I.

*Eisti id quod fit contrā jus naturæ non excusat in totum propter Ignorantiam juris naturæ , ista tamen Ignorantia non semper est Peccatum.*

**Q**UAMVIS ignorantia facti , juris positivi humani , & in quibusdam rebus positivi Divini possit actionem , quae sēposita ignorantia peccatum foret , quandoque à culpa excusare ; non potest equidem ignorantia juris naturæ in totum excusare à culpa quod contrā jus naturæ fit , modò libere. Dicimus in totum ; quia potest , ut Theologi loquuntur , excusare in tantum , id est , potest culpam minuere. Aliud est jus naturæ ignorare , aliud ex ista ignorantia contrā jus naturæ agere. Hoc dicimus nunquam in totum excusari à culpa , illud verò aliquando etiam in totum excusari à culpa. Nec tamen dicimus hanc ignorantiam nunquam esse peccatum , tunc enim est peccatum quando est corum quæ attentâ conditione & statu pro illo tempore scire tenemur. Id est , ignorantia corum quæ quis scire debet tunc peccatum est quando est tempus quo scientia erat acquirenda & tamen tunc negligitur. Tunc verò ignorantia juris naturæ non est peccatum , quando vel est